

# UTUMIKI WATHU WA UMAMBO

## NTHANDA YA MALIMWE YA 2015

**NSOLO WA NTHANDA: 'Ine Na a Panyumba Panga Tinatumikira Yahova.'**  
—Yoswa 24:15.

### SUMANA 10 YA MALIMWE

Nyimbo 29 na Phembero

**❑ Pfundziro Ya Bhibhlyya Ya Mpingo:**

my nsolo 107 (mph. 30)

**❑ Xikola Ya Utumiki Wa Mulungu:**

**Kuleri Bhibhlyya:** 1 Amambo 21-22 (mph. 8)

**N.º 1:** 1 Amambo 22:13-23 (mph. 3 peno zaku-cepa)

**N.º 2:** Munakwanisa Tani Kufendedzera Mulungu?—igw tsa. 28 ¶1-4 (mph. 5)

**N.º 3:** Ndi Api Maonero a Mulungu Thangwi Yakuphatisira Adzimunthu Mu Ulambiri? —bh nsolo 16 ¶3 (mph. 5)

**❑ Nsonkhano Wa Basa:**

Nyimbo 41

**Mph. 10:** 'Ine Na a Panyumba Panga Tinatumikira Yahova.' Nkhani yakubuluswa mu nsolo wa nthanda. Lerini na fokotozani Deuteronomyo 6: 6, 7; Yoswa 24:15; na Misangani 22:6. Gomezerani kuti amuna na anyakubala asafunika kutso-golera mwauzimu. Longani maferamentu akusiyansiyana anaperekwa na gulu toera kuphedza mabanja. Fokotozani kuti makhundu anango a Nsonkhano wa Basa nthanda ino asagomezera tani nsolo wa nthanda.

**Mph. 20:** "Kuthimizira Maluso Athu Mu Utumi-ki—Kupfundzisa Amwazi Mphangwa Apswa." Nkhani yakucedza. Bvundzani anyakubvesera toera alonge kuti anyakubala anaphatisira tani midida idafokotozwa mu nsolo munaphedza iwo anawo toera kuthambaruka mwauzimu. Pangizani citsandzo ca baba mbakakhunganyika mape-rekero a umboni na mwanace wamamuna peno wankazi.

Nyimbo 45 na Phembero

### Kuthimizira Maluso Athu Mu Utumiki—Kupfundzisa Amwazi Mphangwa Apswa

**Thangwi Yanji Mphyakufunika:** Anyakupfundza apswa a Yezu apfundza kukoya "pyonsene" pidaapanga iye, pyakuti pisaphataniza kupfundzisa anango undimomwene. (Mat. 28:18, 19) Amwazi mphangwa apswa azinji athema kucita khundu mu Xikola Ya Utumiki Wa Mulungu, ponthero pa-

nango amwaza mphangwa mwantsusukano kuna piwalo pya banja yavo peno axamwali. Natenepa, munathambaruka iwo mbadziwa kuti Yahova asafuna kuti anthu onseni abve mphangwa zadidi, panango analonga cifuno cawo cakucita khundu mu utumiki wa m'munda. (Arom. 10:13, 14) Angatawirisa kukhala amwazi mphangwa akukhonda batizwa, cipfundziso cadidi cinadzaaphedza khala na cinyindiro munakwanirisa iwo thanyo ineyi ya kuthambaruka kwavo kwauzimu.—Luka 6:40.

#### Tinacita Tani Pyenepi:

- Phedzani m'mwazi mphangwa mupswa kugumania mabukhu anafuna phatisira iye pakumwaza mphangwa na pakupfundzisa. Mpangizeni kuti musakhunganya tani pasta yanu ya m'munda na fokotozani cifuniro ca bukuh ibodzi na ibodzi idakwata imwe.
- Sankhulanai na yeserani pabodzi maperekero aumboni anagumanika mu *Utumiki Wathu wa Umambo*. Muwangiseni toera kuphatisira mafala ace ene pakuperekera umboni. Yeserani njira zakubverana na cisa canu zinagumanika m'bu-khu *Escola do Ministério Teocrático*, tsamba 82. Gomezerani kufunika kwa kubvala nguwo zaku-pangiza cilemedzo.—2 Akor. 6:3, 4.
- Apfundziseni toera kuthambaruka. Pangizani m'mwazi mphangwa mupswa mapa a cisa na mpfundziseni kuti anaphatisira tani formularyo ya nyumba na nyumba. Mpangizeni kuti analemba tani anthu adapangiza cifuno. Mpfundziseni kuti anaphatisira tani jw.org mu utumiki na kabukhu *Boas Novas para Pessoas de Todas as Nações*. M'phedzeni toera acite ma-lendo akubwerezwa kuna anthu adapangiza cifu-no.—1 Akor. 3:6.
- Khalani wakupirira, ponthero nsimbeni. (Mis. 25: 11) Pangizani kukhala wa citsandzo cadidi. Phinga na cifuno cinapangiza imwe pinadzabwresa maphindu kutsogolo.
- Phatani pabodzi na nyakupfundza wanu mu utumiki wa nyumba na nyumba, ulendo waku-bwerezwa peno ku pfundziro ya Bhibhlyya. Khala imwe nkhabe nyakupfundza, phatani pabodzi na m'mwazi mphangwa wa maluso akucepa.

## SUMANA 17 YA MALIMWE

Nyimbo 5 na Phembero

### ❑ Pfundziro Ya Bhibhlya Ya Mpingo:

my nsolo 108 (mph. 30)

### ❑ Xikola Ya Utumiki Wa Mulungu:

**Kuleri Bhibhlya:** 2 Amambo 1-4 (mph. 8)

**N.° 1:** 2 Amambo 1:11-18 (mph. 3 peno za-kucepa)

**N.° 2:** Kodi Kulambira Makolo Mphyakutawirika Kwa Mulungu?—bh nsolo 16 ¶4, 5 (mph. 5)

**N.° 3:** Pinthu Pinafunika Imwe Kucita To-eru Kufendedzera Mulungu—igw tsa. 28 ¶5-tsa. 29 ¶3 (mph. 5)

### ❑ Nsonkhano Wa Basa:

Nyimbo 52

**Mph. 30:** ‘*Mafala Awa . . . Akoyeni Muntima Mwanu.*’ Mibvundzo na matawiro. Phatisiran mphangwa zinagumanika mu ndima yakutoma na yakumalisa toera kutomesa na kufungisa. Pakukhunganyika khundu ino, taphata miyendo onani pidziwiso pinagumanika pa tsamba 8 ya *Utumiki uno*.

Nyimbo 41 na Phembero

## ‘*Mafala Awa . . . Akoyeni Muntima Mwanu*’

Anyakubala ndi ninga akumbizi. Iwo asafunika kuonera mwadidi anawo, akuti anakwanisa kutayika na kuphatwa mwaku-cimbiza na pikala. (Mis. 27:23) Kodi anyakubala anacita tani basa ineyi? Iwo asafunika kupambula ndzidzi wakucedza na anawo ntsiku zonsene toera adziwe piri m’manyerezero na m’mitima yawo. (Mis. 20:5) Pontho, anyakubala asafunika kuumba anawo na pinthu pyakuhonda kupya na moto toera akhale na cikhulupiro cakuwanga. (1Akor. 3:10-15) Vidyu ‘*Estas Palavras Têm de Estar sobre o Seu Coração*,’ isagomezera kufunika kwa kulambira kwa banja kwaku-khonda phonya. Onani pabodzi ninga banja, buluka penepo tawirani mibvundzo inatowera.

(1) Ninji cidacitisa banja ya Roman kuhonda ikha manyerezero ku pinthu pyau-zimu? (2) Thangwi yanji pidayesera m’Bale Roman kucita pakulambira kwa banja pya-cimwanika? (3) Ndi n’dida upi wa m’Mallemba unapereka mwai wadidi toera ku-pembera mu kukuza ana? (Deut. 6:6, 7) (4) Ninji cinafuna kuphedza banja toera ku-cedza mwadidi? (5) Kodi ana asafuna kuti anyakubalawo acitenji? (6) Kodi m’Bale na Mulongo Barrow akhala tani citsandzo ca-didi kwa banja ya m’bale Roman? (Mis. 27: 17) (7) Nsolo wa banja usafunika kucitanji mwanyapantsi toera kulambira kwa banja kukhale kwakuphindulisa? (8) Kodi m’Bale Roman atoma tani kusasanyira pi-nthu kwa banja yace? (9) Thangwi yanji kulambira kwa banja mwakukhonda phonya nkhwakufunika? (Aef. 6:4) (10) Ndi maonero api anango akuphedza pakula-mbira kwa banja? (11) M’Bale Roman apa-ngiza tani kukhurudzika na kukhala dzo-loko mukhaphedza iye Marcus toera kupasa ntengo kufunika kwa kucita pinthu pyadi-di? (Yer. 17:9) (12) M’Bale na Mulongo Ro-man aphedza tani Rebecca toera kucita cisankhulo cadidi thangwi yauxamwali wace na Justin? (Mko. 12:30; 2Tim. 2:22) (13) M’Ba-le na Mulongo Roman apangiza tani cikhulupiro pakucita macinjo mu umaso wawo? (Mat. 6:33) (14) Vidyu ineyi isagomezera tani kwa misolo ya mabanja kufunika kwa kupereka pinthu pyauzimu kuna mabanja awo? (1Tim. 5:8) (15) Ninga nsolo wa banja, mwatonga kucitanji?

CIDZINDIKIRO KWA MISOLO YA MABA-NJA: Drama ineyi ya ntsiku zino yacitwa pa nsonkhano wa gawo wa caka 2011. Kodi imwe mukhadaona kufunika kwa kusasanyira kulambira kwanu kwa banja? Ndiye tani cincino? Khala pasafunika kusasanyira, ta-phata miyendo, phemberani na kucita ma-cinjo toera mugumanire banja yanu nkho-mbo zakukhonda mala.—Aef. 5:15-17.

---

## Munakwanisa Kudzwala Mbeu Za Undimomwene Wa Bhibhlya Kuna Acibale Anu?

Mphangwa izi zabuluswa mu Anuário das Testemunhas de Jeová de 2015

---

### República Dominicana Kutoma Kwa Basa Yakumwaza Mphangwa

#### Tsamba 87 ndima 1-2

Lennart na Virginia Johnson adamalisa xikola ya Gileade afika ku Ciudad Trujillo (cincino Santo Domingo), nzinda ukulu wa dziko ya *República Dominicana* n'dimingu, ntsiku 1 ya Bwinja ya 1945. Ninga Mboni zakutoma mu dziko ineyi, iwo akhapita n'dziko yakuti ikhali ya nkondo na yakunentsa. *Anuário* ya caka 1946 (ya cingerezi) yalonga, "Mwandimomwene ceneci ndi cisa cakuti cikhafunika amisionaryo, ponho anyaku-malisa Gileade anewa akhafunika kutome-ra pankhomo." Nyerezerani basi: Nee kuhali na ofesi ya filiali, nee Nyumba za Umambo, nee mipingo. Iwo nee akhadziwa munthu wa dziko ineyi, akhadziwa mwa-kucepa kakamwe cilongero ca Cixipanyola, ponho nee akhali na nyumba nee pyombo pya n'nyumba. Kodi iwo mbadacitanji?

Lennart alonga: "Taenda ku Oteli Victoria mbatigumana mbuto—tikhalipa madolari 5 pa ntsiku, kuphatanizambo pyakudya. Maulo a ntsiku ineyi tatomesa pfundziro ya Bhibhlya yakutoma ya panyumba. Pyacitika tenepa: Akazi awiri a ku *Dominicana* akuti tikhadapfundza nawo Bhibhlya ku Brooklyn akhadatipasa madzina a acibale na a axamwali awo, m'bodzi wa iwo akhali Dr. Green. Pidaenda ife kacedza naye, tadziwana na Moses Rollins nyakuendekana wace. Pidadziwa iwo kuti tadziwa tani madzina awo na mbuto zinakhala iwo, abvesera mwaci-dikhodikho mphangwa za Umambo mbata-wira pfundziro ya Bhibhlya. Mwakukhonda dembuka, Moses adzakhala m'mwazi mphangwa za Umambo wakutoma pacisa."

---

## *República Dominicana*

### **“Na Ntsiku Yace Tinadzaagumana”**

---

#### **Tsamba 90 ndima 1-3**

Pablo Gonzalez wa nzinda wa Cibao, atoma kuleri Bhibhlyा mu caka 1935. Iye asonkhanan pang’ono na nsoka wa *Protestante*, mbwene ye adzasiya kusonkhana nawo mudaona iye kuti makhaliro awo nee akhabverana na pikhaleri iye m’Malemba. Na thangwi ineyi, iye apitiriza kupfundza ekhene Mafala a Mulungu mbapangambo anango pikhapfundza iye—pakutoma apanga banjace na anyakuendekanace buluka penepo apanga akhali a n’cisa cace. Iye agulisa munda na ng’ombe zace toera kuphedzera maulendo ace akumwaza mphangwa.

Mpaka mu 1942, Pablo akhacedzera mabanza 200 a pisa pyakuendekana mbacita misonkhano mwakukhonda phonya, maseze nee akhadapita n’cibverano na Mboni za Yahova. Iye akhakulumiza anthu kupfundza Bhibhlyा na kucita pinthu mwakubverana na pikha-

pfundza iwo. Azinji aphatisira pikhalonga iye mbasiya kufumali na kupalakanya.

M’bodzi mwa anthu adabva mphangwa za Bhibhlyा zikhamwaza Pablo ndi Celeste Rosario. Iye asakumbuka: “Mukhali ine na pyaka 17 pyakubalwa, ndzukulu wa mai wanga, Negro Jimenez, akhasonkhana na ubodzi mwa misoka ikhatsogolerwa na Pablo Gonzalez. Iye acedzera banja yathu na aleri malemba anango a Bhibhlyा, pyenepi pyanditundusa toera kusiya Gereja ya Katolika. Mu gereja akhatileriri n’Cilatini, cakuti nee tikhacibva. Mwakukhonda dembuka, Pablo Gonzalez aticedzera mbatiwangisa. Iye alonga: ‘Ife nkhabé kucita khundu ya mauphemberi mazinji anadziwa ife, mbwenye tiri na abale pa dziko yonsene ya pantsi. Tidzati kuadziwa peno kuti asacemerrwa tani, mbwenye na ntsiku yace tinadzaagumana.’”

## SUMANA 24 YA MALIMWE

Nyimbo 21 na Phembero

### ❑ Pfundziro Ya Bhibhlya Ya Mpingo:

my nsolo 109 (mph. 30)

### ❑ Xikola Ya Utumiki Wa Mulungu:

**Kuleri Bhibhlya:** 2 Amambo 5-8 (mph. 8)

**N.º 1:** 2 Amambo 6:20-31 (mph. 3 peno zakucepa)

**N.º 2:** Ninji Pinagumanika m'Mabukhu Akusiyana-siyana a Malemba Acihebere?—igw tsa. 30 ¶1-tsa. 31 ¶1 (mph. 5)

**N.º 3:** Kodi Yezu Abalwa Ntsiku 25 Ya Nthanda Ya Maindza?—bh n'thimiziro tsa. 221-2 (mph. 5)

### ❑ Nsonkhano Wa Basa:

Nyimbo 40

**Mph. 15:** Kumanga Banja “Basi ene mwa Mbuya” —Kusapitiriza Kuphata Basa? Nkhani yakucitwa na nkulu wa mpingo yakubuluswa mu Ncenjezi wa 15 ya Murope ya 2015 tsa. 30-32.

**Mph. 15:** Munasasanyira Tani Kulambira Kwanu Kwa Banja? Nkhani yakucedza yakubuluswa mu Utumiki Wathu wa Umambo wa Thongwe 2011, tsamba 6. Apangizeni njira zakusiyaniyana za Kulambira Kwa Banja zinagumanika mu jw.org. (Sakanii pa ENSINOS BÍBLICOS > CRIANÇAS.) Gomezerani kuti kulambira kwa banja kusafunika kucitura mwakubverana na makhaliro a banja, pontho kukulise cikulupiro kwa Yahova na mapikiro ace.

Nyimbo 1 na Phembero

## SUMANA 31 YA MALIMWE

Nyimbo 42 na Phembero

### ❑ Pfundziro Ya Bhibhlya Ya Mpingo:

my nsolo 110 (mph. 30)

### ❑ Xikola Ya Utumiki Wa Mulungu:

**Kuleri Bhibhlya:** 2 Amambo 9-11 (mph. 8)

**Kubwerezera Kwa Xikola Ya Utumiki Wa Mulungu** (mph. 20)

### ❑ Nsonkhano Wa Basa:

Nyimbo 1

**Mph. 10:** Kugawira Marevista Mu Nthanda Ya Nyendzi. Nkhani yakucedza. Tomani na kupangiza citsandzo, mukuphatisira maperekero aumboni anagumanika mu utumiki uno. Buluka penepo dingani maperekero aumboni onsene.

**Mph. 10:** Musatambira ‘Cakudya Pa Ndzidzi Wakuthema’? Nkhani yakubuluswa mu nsolo wa A Sentinela 15 de Agosto de 2014, tsamba 3-5. Wangisanii onsene toera kuphatisira mwadidi cakudya cauzimu cinatambira iwo.

**Mph. 10:** Ndi Pipi Pifuno Pyanu Pyauzimu Mu Caka Ca Basa Ca 2016? Nkhani yakucedza yakubuluswa m'bukhu Organizados, tsamba 118 ndima 2. Pangizani citsandzo ca banja mbikacedza pifuno pyawo pyauzimu mu caka cipswa ca basa.

Nyimbo 10 na Phembero

## Kubwerezera Kwa Xikola Ya Utumiki Wa Mulungu

Mibvundzo inatowerera iyi inadzadingwa pa Xikola Ya Utumiki Wa Mulungu nkati mwa sumana 31 ya Malimwe ya 2015.

1. Ndi undimomwene upi wakuwangisa cikulupiro unalonga pya Yahova Mulungu unagumana ife m'phembero ya Salomoni, pontho kunyerezera mwacidiikhodikho undimomwene unoyu kunadzatiphindulisa tani? (1 Am. 8:22-24, 28) [6 ya Malu. w05-T 1/7 tsa. 30 ndima 3]
2. Kodi citsandzo ca Dhavidhi cakufamba “na ntima wadidi” cisatiwangisa tani toera kucitambo pibodzi pyene? (1 Am. 9:4) [13 ya Malu. w12-T 15/11 tsa. 7 ndima 18-19]
3. Kodi kutumwa kwa Eliya toera kuenda kwa nziice wa ku Zarefatii kusatipfundzisanji thangwi ya Yahova? (1 Am. 17:8-14) [27 ya Malu. w14-T 15/2 tsa. 14]
4. Kodi kunyerezera mwacidiikhodikho cakucitika cinagumanika pa 1 Amambo 17:10-16 kusawangisa tani kutonga kwathu kunyindira Yahova na ntima onsene? [27 ya Malu. w14-T 15/2 tsa. 13-15]

5. Tinaphindula tani na citsandzo ca Eliya pakuthimbana na mabvero akusowa cidikhiro? (1 Am. 19:4) [3 ya Malu. ia-T tsa. 102-103 ndima 10-12; w14 1/3 tsa. 15 ndima 15-16]
6. Kodi Yahova acitanji mudaona iye mprofeta wace wakukhulupirika ali wakusowa cidikhiro na tinatowezerana tani citsandzo ca Mulungu wathu waufuni? (1 Am. 19:7, 8) [3 ya Malu. w14 1/6 tsa. 21 ndima 15-16]
7. Kodi ndi maonero api akuphonyeka akhali na Mambo Akabu, pontho Akristu analacilira tani lero kukhala na maonero mabodzi ene? [10 ya Malu. lv tsa. 164-165, bokosi; w14-T 1/2 tsa. 14 ndima 3-4]
8. Tinapfundzanji mu phembo idacita Elizeu kuna Eliya, pontho pyenepi pinatiphedza tani tingapaswa basa ipswa ya Umambo? (2 Am. 2: 9, 10) [17 ya Malu. w03-T 1/11 tsa. 31 ndima 5-6]
9. Kodi aphale na atsikana anatowezerana tani cikulupiro na cipapo ca ntsikana wang'ono Waciisraele analongwa pa 2 Amambo 5:1-3? [24 ya Malu. w12-T 15/2 tsa. 12-13 ndima 11]
10. Ndi makhaliro api a Yehu akuti atumiki onsene a Yahova asafunika kuwangisira kuatowezerana m'midzidzi ino yakumalisa? (2 Am. 10:16) [31 ya Malu. w11-T 15/11 tsa. 5 ndima 4]

## SUMANA 7 YA NYENDZI

Nyimbo 3 na Phembero

### ❑ Pfundziro Ya Bhibhlya Ya Mpingo:

my nsolo 111 (mph. 30)

### ❑ Xikola Ya Utumiki Wa Mulungu:

**Kuleri Bhibhlya:** 2 Amambo 12-15 (mph. 8)

**N.º 1:** 2 Amambo 13:12-19 (mph. 3 peno zaku-cepa)

**N.º 2:** Thangwi Yanji Akristu a Pyaka Dzana Yakutoma Nee Akhacita Phwando Ya Kubalwa Kwa Yezu—bh nsolo 16 ¶6-8 (mph. 5)

**N.º 3:** Ninji Pinagumanika m'Mabukhu Aku-siyana-siyana a Malemba Acigerego Acikristu? —igw tsa. 31 ¶2-5 (mph. 5)

### ❑ Nsonkhano Wa Basa:

Nyimbo 11

**Mph. 10:** *Ninji Pidakwanisa Ife?* Nkhani yaku-cedza. Phembani amwazi mphangwa toera alo-nge kuti aphindula tani mukuphatisira ntsonga za mu nsolo wakuti "Kuthimizira Maluso Athu Mu Utumiki—Kupfundzisa Amwazi Mphangwa Apwsa." Phembani anyakubvesera toera kulonga pyakugumana napyo pyadidi.

**Mph. 10:** *Mabanja, Kodi Muli Na Nsambo Wakugumanika Pa Misonkhano Ya Mpingo?* Nkhani yakubuluswa pa Ahebere 10:24, 25. Bvundzani banja yakuti iri na ana. Kodi nsolo wa banja una-khala tani na cinyindiro cakuti usaikha misonkhan-no pa mbuto yakutoma? M'bodzi na m'bodzi asaphedzera tani toera banja igumanike pa misonkhan-no mwakukhonda phonya? Kodi asakhu-nganyika tani matawiro awo? Ndi kuwangisira kupi kusacita iwo toera kugumanika pa misonkhan-no? Malisani na kuwangisa onsene toera ku-sonkhana na kuperekata matawiro mwakukhonda phonya.

**Mph. 10:** *Munakwanisa Kudzwala Mbeu Za Undimomwene Wa Bhibhlya Kuna Acibale Anu? (Mach. 10:24, 33, 48)* Nkhani yakucedza yakubuluswa mu Anuário de 2015, tsamba 87 ndima 1-2; na tsamba 90 ndima 1-3. Mphangwa zenezi zathumburuzwa n'Cisena, ponho zisagu-manika pa tsamba 3 na 4 mu Utumiki uno. Phem-bani anyakubvesera toera alonge pidapfundza iwo.

Nyimbo 21 na Phembero

## Pidziwiso

■ Mabukhu anafuna kugawirwa mu nthanda ya **Malimwe:** *Mphangwa Zadidi Za Mulungu!* peno ibodzi mwa mabrxura awa a matsamba 32: *Bverani Mulungu toera Mukhale Kwenda na Kwenda, Bverani Mulungu, Munakwanisa Kukhala Xamwali Wa Mulungu!, Verdadeira Fé—O Segredo de uma*

Vida Feliz (yacitirwa Mamusulmano). **Nyendzi na Malandalupyá:** Marevista a Ncenjezi na Des-pertai! **Bingu na Maindza:** Kodi Mwandimomwene Biblya Isapfunzisanji? peno ibodzi mwa matratado anatowerera: Matratado onsene mapswa anaguma-nika pa mpingo; *Kodi Musafuna Kudziwa Undimo-mwene?*

■ Kutomera nthanda ya Nyendzi, nkhani yapa-kweca ya ayang'aniri a cisa inadzakhala na nsolo wakuti: "Kodi Njira Za Mulungu Zisaphindulisadi?"

■ Nakuti caka ca basa ca 2015 ciri cifupi na kuma-la, tikukumbusa amwazi mphangwa onsene kuti apereke malipoti awo a basa ya m'munda kwa mu-yang'aniri wawo wa nsoka peno nyakuphedza mu-yang'aniri pakumala kwa nthanda. Tikukumbusa-mbo alembi a mpingo toera kutumiza malipoti a mpingo mu ndzidzi wakuthema. Tingacita pyene-pi, tonsene tinadzaphedza toera kuperekata lipoti ya-kulinganira na yakuwangisa pa nthanda ya Mali-mwe.

■ Akulu a mpingo asakumbuswa toera kutoweze-ra mwacidiukhodikho pitsogolero pinagumanika pa tsamba 21-23 ya *A Sentinel ya 15 de Abril de 1991*, pinalonga pya anthu adabuluswa peno adabuluka okhene m'mpingo akuti asakhala n'cisa ca mpingo.

■ Mbuto zakuti nkhabe mitcini toera kupangiza mavidyu toera kuoniwa ninga banja peno munthu payekha, mipingi isawangiswa toera kucita masasa-nyiro akuti pingakwanisika, onsene aone mavidyu anadingwa m'makhundu a Nsonkhano wa Basa.

## Maperekero Aumboni

### NCENJEZI 1 Ya Nyendzi

WAKUDIZWISA UMAMBO WA YAHOWA

"Kodi mwabvundzika kale kuti dzina yaku-ti Mboni za Yahova yabuluka kupi? [Dikhira-ni ntawiro.] Ntawiro usagumanika m'Bhibhlya, mule munalonga Mulungu dzinace. [Lerini Ma-salmo 83:18, *Tradução do Novo Mundo.*] Ni-nga Mboni za Yahova, ife tisamwaza mphangwa zadidi zinalonga pya iye na cifuniro cace kuna anthu. Revista iyi ya Ncenjezi isaperekata matawiro ku maonero mazinji akuphonyeka thangwi ya ife."

## Despertai!® de Setembro

"Anthu azinji asatwira kuti tisafunika kobiri toera kuhala maso. Kodi musaona kuti ndi ngozwi kufuna kakamwe kobiri? [Dikhirani ntawiro.] Onani cenzezo ya Bhibhlya. [Leri-ni 1 Timoti 6:9.] Revista iyi isa-pangiza kuti tinakulisa tani ma-onero akulinganira thangwi ya kobiri."



km1508-SEN MZ  
150505